

LA USC DI LADINS

Poste Italiane Spa - Spedizione
in Abbonamento Postale - D.L.
353/2003 (conv. in L.27/02/2004
n. 46) art. 1, comma 1, DCB
Bolzano - Taxe Percue P -
Tassa pagata - Ordinaria
Giornale locale
Priesc singul: 1,60 Euro

PLATA DLA UNION GENERELA DI LADINS DLA DOLOMITES
39046 Urtijëi (BZ), Senta tla Cësa di Ladins, streda Rezia 83

Nr. 05/2011 - 04 de fauré 2011

STIMA'

54
Redazion tel. 0471/797199

Gherdëina

Coordinazion: Dr. David Lardschneider
Redaziun: Cësa di Ladins, str. Rezia 83, 39046 Urtijëi
Tel: 0471/797199 - Fax 0471/797384 - e-mail: info@lauscdiladins.com

nr. 05 / 04 de fauré 2011

LA USC
DI LADINS

De gra a Hugo Perathoner

La Cësa de Paussa de Gherdëina à mudà presidënt. Walter Kasslatte presidënt nuef

Cësa Paussa - Do che Hugo Perathoner ie stat set ani alalongia presidënt dla Cësa de Paussa y à sën dat ju si ncëria, à l Chemun de Urtijëi fat la pruposta de n presidënt nuef, tla persona de Walter Kasslatte.

L mpëni de Hugo Perathoner te duc chisc ani ie stat scialdi grant, èl à dat ca truep de si tēmp liede per jì a ancuntes y sentedes cun d'uni sort de istituzions, per tò ite nformazions n con' de cuestions che ova da n fé cun l andamēt y la respunsabltà de na

Cësa de Paussa. Èl se à for batù per miurè la cualità de vita di ghesc dla cësa, l se à cruzià dla segurèza, studian avisa la leges n chësc cont. Si sistem de lëur fova urientà dut ntëur al bon funziunamēt dla Cësa. Si cumpetënza y si savëi à purtà pro aslesiré l lëur dla direzion y dl cunsëi; ntan la sentedes fòvel daniëura n tlima de armonia y da sté saurì.

Hugo Perathoner se merita dessegur na gran lauda y n gran gra per si mpëni, si cruzi y si

sensibltà per duc i problems che porta cun sé na tel cësa.

L presidënt nuef Walter Kasslatte ie zënzauter ènghe na persona cumpetënta, l se à bele mpenià de jì inant sun l troi dl presidënt da dant. Nëus ti mbincion che l ebe legrèza cun si ncëria nueva y speron te n bon cunlauré cun duc chëi che viv y lëura tla Cësa de Paussa de Gherdëina.

Per la Cësa de Paussa,
Erica Senoner



Walter Kasslatte ie l presidënt
nuef dla Cësa de Paussa.



Hugo Perathoner ie stat set ani
presidënt dla Cësa de Paussa.